

Ս. Տ. Լեւոնյան

«ԾԱԴԵԱՑԻՈՑ ԻՇԽԱՆՈՒԹԻՒՆ»

Մովսես Խորենացու «Հայոց պատմությունը» նորից թերթելիս մեր ուշադրությունը գրավեց այն փաստը, որ պատմահայրը ինչ որ առնչություն է գտնում «Կաղմոս» և «Սիսակ» էթնոնիմների միջև: Մովսես Խորենացուն հասած անգիր զրույցները լավ պատկերացնում են, որ Հայկի թոռ և Արամանակի որդի՝ Կաղմոսի «տունը» գտնվել է չերկիրն Արարադայ... Ի լեռնոտին միում ի դաշտավայրի»¹: Այստեղից Հայկ նահապետը, համաձայն ավանդության, իր տոհմով գնում է հյուսիս, Վանա լճի արեմտյան՝ եզերքով դեպի Հարք, ապա Այրարատ:

Նույն տեղեկություններից դժվար չէ կռահել, որ Կաղմոսի երկիրը սահմանակից է եղել Ասորեստանին: Պատմահայրը հաղորդում է, որ Ասորեստանի նահապետ «Տիտանեանն Բէլ» իր զորքով «գալ հասան է ի հիւսիսի, յերկիրն Արարադայ, մերձ ի տունն Կաղմեայ»²: Մի քիչ հետո պատմահայրը, հաղորդելով Արամի նվաճումների մասին, նշում է, որ նա Հայոց երկրի արևելյան և հարավային սահմանները հանձնեց երկու ցեղերի ներկայացուցիչներին՝ «Սիսակեանցն զարեւելս, եւ որք ի Կաղմեայ տանէն զԱսորեստանին»³:

Այս մեջբերումներից երևում է, որ Կաղմոսի երկիրը գտնվում էր Ասորեստանին սահմանակից «Արարադ» երկրում: Այս անունն էր կրում այժմյան Զեքել-Ջուդի (2039 մետր բարձր.) լեռնագագաթը, որը ասորեստանյան արձանագրություններում հայտնի է Արարտու կամ Նիպուր անվան տակ:

Բիրլիական ավանդությունը ջրհեղեղի մասին սկզբնական շրջանում կապվելիս է եղել այս լեռան հետ: Այժմ էլ տեղացի ասորի և արաբ ազգաբնակչությունը Զեզիրե քաղաքի մոտերքը գտնվող Թեմանին գյուղի հիմնադիր համարում է Նոյ նահապետին: Այս փաստերը բանասերներին հիմք են տվել հայտնելու այն կարծիքը, որ «Արարադ երկիրը» նույն Ուրուատրի երկիրն է, որտեղ առաջին անգամ ասորեստանյան նվաճողները հանդիպեցին ուրարտական ցեղերի միությունը⁴:

Մեր հարցի համար հետաքրքիր է այն, որ ակադ. Գրիգոր Ղափանցյանը Խորենացու «Կաղմոսի տունը» նույնացնում էր ասորեստանյան

¹ Մովսեսի Խորենացու՝ Պատմութիւն Հայոց, I, Ժ, Տփղիս, 1913. էջ 33:

² Անդ, ԺԱ, էջ 34:

³ Անդ, ԺԴ, էջ 46:

⁴ Տե՛ս К. Патканов. Ванские надписи и значение их для истории Передней Азии. СПб, 1881, стр. 71, 77, 89, 92—104.

արձանագրություններում բաղմիցս հիշվող Կաղմուխի || Կատմուխի երկրի հետ⁵ Այն երկիրը տրվում էր «ի ուտեստ» Ասորեստանի թագավորի պալատի զըլ-խավոր մատույնին (ստորագրված)։

Ասորեստանյան այս հյուսիսային սահմանամերձ փոխարքայությունը — սատրապությունը տեղադրվում է հյուսիսային Միջագետքում՝ Տիգրիս գետի աջափնյա երկրամասում, տարածվելով մինչև Մասիուս—Թուր—Արդին լեռները, ներառյալ Մծբին քաղաքը։ Կատմուխի երկրի կենտրոնն է եղել Շերիշա քաղաքը, որը համապատասխանում է այժմյան Շարիշ գյուղին, Ջեզիրե քաղաքից ոչ հեռու⁶։ Այս տեղադրությունը ցույց է տալիս, որ Կատմուխի երկիրը չի նույնացվում «Արարադ» երկրին, սակայն նրան հարևան էր, բաժանվելով նրանից միայն Տիգրիս գետով, այժմյան Ջեզիրե քաղաքի շրջակայքում, այնտեղ, որտեղ այժմ իրար մոտենում են Թուրքիայի, Սիրիայի և Իրաքի պետական սահմանները։

Մեզ հետաքրքրող երկրորդ անունը «Սիսակ»-ը—իրեն տոհմանուն քաջ ծանոթ է պատմահոր և, ինչպես ինքն է ասում, սրա անունով է կոչվել սրան տրված երկիրը «Սիսիք», որը պարսիկները յեստակագոյնս ևս Սիսական կոչեն⁷։

Կարծես թե հարցը սրանով փակվում է՝ Հայաստանի ծայրագույն հարավում գտնվում էր «Կաղմեայ տունը», իսկ արևելքում, ավելի ճիշտ՝ հյուսիս—արևելքում՝ գտնվում էր «Սիսիք» կամ «Սիսական» աշխարհը։ Սակայն այս վկայություններին հետևում են նաև մի երկու վկայություն, որտեղից իմանում ենք, որ պատմահայրը, բացի Կաղմուսի երկրից Հայաստանի հյուսիսում, գիտե նաև այլ երկրամաս «Կաղմեան» տոհմի, որը գտնվում էր առընթեր «Սիսական» տոհմի երկրին, այսինքն Սյունիքին։ Ստորև բերում ենք այդ վկայությունները։

Մովսես Խորենացին պատմում է, որ պարթևների թագավոր Արշակը մակեդոնացիների հետ պատերազմելուց հետո, երբ զրավեց Բաբելոնը և Ասորեստանից արևելք և արևմուտք ընկած երկրները, նրա եղբայր Վաղարշակը, որը Հայաստանի թագավոր էր, մեծ զորք է գումարում «Սատրպատական է և ի Հայոց, որ ի միջոցի աշխարհիս, արս անուանիս և քաջս, և զկոչեցեալն Բագարատ, և որք ընդ նովաւ քաջք, և ծովեղերեայսն մանկունս, որք ի Գեղամայ և Քանանացուց, և Շարայի ծնունդք և Գուշարայ, և առ թեր Սիսակեանսն, և զՎաղմեանսն և զնոցա մերձաւորսն, որպէս թէ զկէս մասն աշխարհիս։ Հասան է ի միջոց աշխարհիս, վերագոյն քան զակունս Մօրին Մեծի, յափն Երասխայ, մոտ յԱրմաւիր որ ասի Բլուր»⁸։

Ինչպես տեսնում ենք, մեջբերված հատվածում թվարկվող նախա-րարական տոհմերը հիշատակվում են այլ անուններով՝ համաձայն նրանց առասպելական տոհմաբանության։ Եթե փորձենք տալ այս տոհմանուններին

⁵ Պրոֆ. Գր. Հափանցյան, Ուրարտուի պատմությունը (Հետազոտություններ ըստ բեզնոպի աղբյուրների), Երևանի պետ. Համալսարանի գիտական աշխատություններ. հատոր XIV, Երևան, 1940, էջ 10։

⁶ Nicolas Adontz. Histoire d'Arménie. Les origines du X-e siècle au VI-e (Av. J. C.), Paris, 1946, p. 49.

⁷ Մովսես Խորենացու՝ Պատմութիւն Հայոց, I, ԺԲ, Տիգրիս, 1913, էջ 41։

⁸ Անդ, II, Դ, էջ 106։

հոմանիշ նախարարական տներն անունները նշված հաջորդականությամբ, կստանանք հետևյալ պատկերը.

1. «Ծովեղերեայսն մանկունքն, որք ի Գեղամայ» են — Գեղարքունի դավառի բնակիչներն են:

2. «Քանանացիք» այսինքն՝ Գնթունի նախարարական տոհմը, որը տիրում էր Նիգ գավառին: Ապա հիշվում են՝

3. «Շարայի ծնունդք», այսինքն՝ Շիրակ գավառի բնակիչները, և

4. «Գուշարայ ծնունդք», այսինքն՝ Գուգարաց բղջխությունը:

Սրանցից հետո «առ թեր» սրանց հիշատակվում են՝

5. «Սիսականք» և

6. «Կաղմեանք և զնոցա մերձաւորսն»:

Այսպիսով ստանում ենք միմյանց առընթեր գտնվող գավառների ու երկրների շարք՝ Շիրակ, Գուգարք, Նիգ, «Ծովեղերեայք», Գեղարքունի, Սիսական կամ Սյունիք: Այստեղ պարզ չէ միայն, թե որ երկիրն էր «Կաղմեանների» բնակավայրը, որը սակայն, պիտի գտնվեր «առ թեր» հիշատակված գավառներին ու երկրներին: Հարցը կարծես պարզում է հետևյալ հատվածը: Վաղարշակը հաստատում է Տյարեկից կողմանէ, զեզերք հայկական խոսիցս, կողմնակալս բիւրաւորս զերկուս ի ցեղից տանց նահապետութեանց, զՍիսականսդ և որ ի Կաղմեայ տանէն, զորոց զանուանսն ի միում ի յառաջագունից ասացեալ ճառիցն կարգեցաք»:

Այս վկայությունից հետո Խորենացին աշխատում է ցույց տալ, որ Սյունիքի հետ միասին, նաև Աղվանքի այն մասը, որը մտնում որ Մեծ Հայքի կազմում, կառավարվում էր Սիսակի ցեղից սերված նախարարական տոհմերով: «Յետ նորա մեծ և անուանի և բազմաբիւր զարեկից հիւսիսոյ կողման կարգէ կողմնակալութիւն՝ զայլ անուանի և յամենայն գործ մտաւորութեան և հանճարոյ առաջին, զԱռան, առ մեծ գետովն, որ հատանէ դաշտն մեծ, որ անուանի Գուր: Ի այց զայս գիտեա, զի զցեղս զայս մեծ և անուանի մոռացումն կղև մեզ յառաջնումն մատենին յիշատակել, զգունդն իր ի Սիսակայ, որ ժառանգեաց զդաշտն Աղուանից և զլեռնակողմն նորին դաշտի, ի գետովն Երասխայ մինչև ցամուրն որ ասի Հնարակերտ և աշխարհն յանուն քաղցրութեան բարուց նորա անուանեցաւ Աղուանք զի Աղու ձայնէին զնա: Եւ ի սորա ծննդոց այս Առան անուանի և քաջ կարգեցաւ կողմնակալ բիւրաւոր ի Պարթևէն Վաղարշակայ: Ի սորա զաւակաց ասեն սերեալ զազգն Ուտեացոց և Դարդմանացոց և Ծաւդէացոց և Դարգարացոց իշխանութիւնսն»⁹: Ինչպես տեսնում ենք, Խորենացին այստեղ հանդես է գալիս իբրև Սյունյաց նախարարական տոհմի քաղաքական պրիորիտետի շատագույն: Մեծ Հայքի կազմում գտնվող Աղվանքի կողմնակալություններին ժառանգաբար տիրող նախարարական «Ուտէացոց և Դարդմանացոց և Ծաւդէացոց և Դարգարացոց» աները, ըստ Խորենացու, առաջացել են այս Առանից, որը Սիսակի սերունդն է հադիսանում: Ահա այստեղ է, որ Խորենացին իրեն դրսևորում է իբրև V դարի վերջին և VI դարի առաջին կեսին ապրող հեղինակ, երբ Սյունյաց նախարարական տոհմը հասավ գերիշխող դիրքի ոչ միայն մարզպանական Հայաստանում, այլև մարզպանական Աղվանքում ու Վրաց աշխարհում:

⁹ Անդ, II, է, էջ 112—113:

¹⁰ Անդ, էջ 113:

Այժմ վերադառնանք մեր բուն խնդրի պարզաբանման: Մենք տեսանք, որ Վաղարշակը Մեծ Հայքի արևելյան ծայրամասում, այնտեղ, որտեղ վերջանում էր հայերեն լեզուն, նշանակում է երկու թափառաբեր կողմնակալ՝ «ի տեղից տանց նահապետութեանց» մեկը «Պիսակեանսդ», մյուսը՝ «ի Կաղմեայ տանէն»: Մենք տեսանք, որ, ըստ Մ. Պորենացու, Առանի սերունդից էին Ուտիքի, Գարդմանի, Ծավղեացվոց և Գարդարացվոց աշխարհների կողմնակալ—կառավարիչները, որոնց հարեանն էր Սյունիքը—Սյուսկանը: Այժմ հարց է ծագում, ո՞ր նախարարութիւնն էր և ո՞րտեղ էր գտնվում այս կողմնակալ «Կաղմեայ տան» անվան տակ, թագնված «կողմնակալութիւնը»:

Այս հարցին պատասխանելու համար մենք նորից պիտի անդրադառնանք Հայկական Միջագետքում գտնվող «Կաղմոսի տան» և Կատմութիւն-Կաղմութիւն երկրին: Այս երկիրը հիշատակվում է III-րդ դարի վերջերի և IV ու V դարերի քաղաքական անցքերի կապակցութեամբ և կոչվում է՝ Եղիշեի մոտ Ծաւղէք¹¹: Վերջինս համապատասխանում է հունարեն Ζαβδιχαγ¹², լատիներեն Zabdicenae¹³ և ասորերեն Bēth Zawdai ձևերով հայտնի երկրանվանը: 410 թվականին Bēth Zawdai երկիրը ներկայացված է իբրև Մծբինի մետրոպոլիտական աթոռի թեմերից մեկը¹⁴: Այս երկրի կենտրոնը պիտի գտնվեր Bezabde ամրոցում¹⁵—qastra d Beth Zaudai բնակավայրում, որը գտնվում էր Տիգրիս գետի աջ ափին, ճիշտ և ճիշտ այժմ հայտնի Զեզիրե կամ Զեզիրե Իրն-Օմար քաղաքի դիմաց¹⁶: 591—610 թթ. միջև կաղմած «Աշխարհացոյցը» ևս հիշում է Իդարդէ վայրը¹⁷: Այդպիսով պարզվում է, որ ասորեստանյան արձանագրութիւնների Կատմութիւն երկիրը և Պորենացու «Կաղմեայ տունը» վաղ միջնադարում կոչվել է Ծավղէք¹⁸: Ուրեմն գոյութիւն է ունեցել երկու երկիր համանուն անունով, որը Մովսես Պորենացուն ենթադրել է սովել, որ սրանք ծագում են միեւնոյն «նախահորից»: Մովսես Պորենացուն հասած աղբյուրներից հայտնի է եղել, որ Ծավղէք երկիրը մի ժամանակ կոչվել է այնպիսի անունով, որի հիմքում եղել է «Կաղմ» արմատը, որ Կաղմութիւն անվան ճիշտ ձևն է հանդիսանում: Ուրեմն՝ հյուսիսային Ծավղէքը ևս Մովսես Պորենացին համարում է «Կաղմեայ տուն», որով պարզվում է, որ «Սյուսկեան տան» կողքին հիշատակվող «Կաղմեան տունը», նույն «Ծավղէացոց զիշխանութիւնն» է,

¹¹ Եղիշեի վասն վարդանայ և հայոց պատերազմին. I, II, Երևան, 1957, էջ 10. 51:

¹² Տե՛ս՝ Н. Адонц. Фауст Византийский, как историк. «Христианский Восток», том VI, вып. III, Петроград, 1922, стр. 245.

¹³ Ammianus Marcellinus, Hist., 25, 7, 9: Տե՛ս՝ Հ. Հյուբշման, Հին հայոց տեղվո անունները թրգմ. Հ. Բ. Պիլեգիկյան («Աղդային մատենադարան» ԾԳ), Վիեննա, 1907, էջ 182—183:

¹⁴ Անդ, էջ 32, ծանոթ. 2:

¹⁵ Ammianus Marcellinus, Hist., 20, 7, 1.

¹⁶ Տե՛ս՝ Հյուբշման, անդ, էջ 183: Պողոտեոսի մոտ Բեզարդեն հայտնի է Σατσα անվան տակ:

¹⁷ ... Լերինս երկու զկոհ ի Շնդար, և զմիւս լեռոն երկայն՝ յորում Մարդէ բերդ, և Տուռապդին դաւառ և Իդարդէ, Աշխարհացոյց Մովսեսի Պորենացոյ յաւելուածովք նախնեաց հրատ. Ա. Սուրբեանի, Վենետիկ, 1881, էջ 37.

¹⁸ Մարտիրոսը իր Erānšāhr-ում (էջ 158, ծանոթ. 58) ենթադրում է, որ «Ծավղէից» ձևը զրազրի սխալ է և պիտի լիներ «Զավղեից» ձևը, սակայն մեր հարցի համար այդ նշանակութիւնը չունի և հաղիվ թե այդ ենթադրութիւնը ճիշտ լինի:

որը հիշատակւում է Ուտիքի, Գարգմանի և Գարգարացիների իշխանութիւնների կողքին և իրրե Սլունիքին հարեան մի երկիր:

Սակայն ո՞րանք էր գտնւում այս իշխանութիւնը: Դեռևս չենք Ալիշանը հաւանական էր համարում, որ Ծաղկացիք նույն «Սողք» և «Սոթք», «Սողացի» նախարարական տոհմն է¹⁹: Ստեփան Կանայանը ևս գտնում է, որ «Ծովդեցիք թերևս Խորենացու աշխարհագրութեան և Ս. Օրբելյանի հիշատակած Սլունյաց Սոտք—Սողք գավառն է, որ գտնւում է Սեանա լճի արևելյան կողմը²⁰: Այս ենթագրութիւնը պետք է հիշտ լինի:

Մեզ հասած գրչագրերում «Ծաղկացիք» անունը պատահում է հետևյալ ընթերցումներով. Ծաղէացւոց, Ծողացւոց, Ծաղացւոց, Ծովդէացւոց, Ծողէացւոց, Ծողէից, Ծաղէից: Այստեղից կարելի է հետևենք, որ Ծաղէից—Ծաղէացւոց ձևը առաջացել է Ծաղք—Ծողք ձևից: Իսկ վերջինս հնչյունաբանական որոշ օրինաչափութիւնների հետևանքով կարող էր մի այլ բարբառալին միջավայրում հնչվել «Սաղք—Սողք, Սողք, Սոթք»: Այսպես էր կոչւում Սլունաց նահանգի գավառներից մեկը, որի տերիտորիան ճշտիվ համընկնում է այժմյան Բասարդեշարի շրջանին: Սոթք գավառի կենտրոնն էր համանուն գյուղաքաղաքը, որի հնագույն հիշատակութիւնը պատահում ենք Սեբեոսի մոտ՝ «Քաղաքագեւորն կոչեցեալ Սաղաշ»²¹: Վերջինիս ուղղական ձևը պիտի լինի՝ «Սաղք—Սողք»: Այսպես էր կոչւում համանուն գավառի կենտրոնը, որը այժմյան Ջող գյուղն է: Այսպիսով պարզւում է, որ Ծողացւոց—Ծաղէացւոց իշխանութիւնը նույն Սողք—Սողք—Սոթք գավառն է և, ինչպես կարելի է հետևենք անուղղակի փաստերից, Ծաղէիցի անունը առաջացել է ոչ թե գավառի անունից, այլ, ընդհակառակը, գավառը և նրան տիրող իշխանական տոհմի անունը առաջ է եկել նրա կենտրոնի Ծաղք—Սաղք գյուղաքաղաքի անունից:

Կցկտուր տեղեկութիւններից կարելի է եզրականացնել, որ Ծաղէացւոց իշխանութիւնը գրավել է Սողք գավառից շատ ավելի ընդարձակ տերիտորիա: Այս իշխանութեան պետը հիշատակւում է Ազաթանգեղոսի մոտ այն իշխանների շարքում, որոնք, ըստ նրա, ուղեկցեցին Տրդատ III-ի (287—332) հրամանով Գրիգոր Լուսավորչին՝ նրա Կեսարիա գնալու ժամանակ: Լուսավորչի շքախումբը, ըստ պատմագրի, բաղկացած էր 16 ամենահզոր իշխանական աների ներկայացուցիչներից, որոնք համարւում էին՝ «զգլխաւորս նախարարացն և գլուխակալս աշխարհացն»: Սրանց թվումն էին՝

Մետասաներորդ իշխան՝ իշխան Սիւնեաց աշխարհին.

Երկուտասաներորդ՝ իշխանն Ծաղէից (Ծողէից) աշխարհին.

Երեքտասաներորդ՝ իշխանն Ուտիացւոց աշխարհին²²: Պատմաբանի ասելով՝ այս տասներկու նախարարական տների իշխաններն էին՝ Շրնտիրք, Կուսակալք, Կողմնակալք, հազարաւորք, բիւրաւորք ի մէջ նախատան աշխարհի տանն Թորգոմայ²³:

¹⁹ Ղ. Ալիշան, Սիսական, Վենետիկ, 1893:

²⁰ Ստեփան Կանայանց, Անհայտ գավառներ Հին Հայաստանի, Վաղարշապատ, 1914, էջ 13—14:

²¹ Սեբեոս, Պատմութիւն, ԺԴ, Երևան, 1941, էջ 51: Տարրեր ընթերցումն է «Սողա»:

²² Ազաթանգեղայ՝ Պատմութիւն Հայոց, 795, ծԺԲ: Տփղիս, 1909, էջ 414: Նույնը տես նաև՝ Ուխտանէս՝ Պատմութիւն Հայոց, Ա, ԿԹ, Վաղարշապատ, 1871, էջ 99:

²³ Ազաթանգեղոս, անդ, էջ 415:

Հիրավի, ըստ մեզ հասած Զորանամակի Սյունյաց նախարարությունը պատկանում էր «Երևալուորների» շարքին, նա դուրս էր բերում կովի դաշտ 19,400 ալրուձի, իսկ Ծաղէից և Ուտէացւոց նախարարությունները «հազարաւորների» շարքումն էին, նրանք դուրս էին բերում 1000 ալրուձի²⁴։ Ինչպես տեսնում ենք, Ագաթանգեղոսը և Մովսէս Խորենացին Ծաղէացւոց իշխանությունը հիշատակում են Աղվանից երկրի իշխանությունների շարքում, որ համընկնում է Զորանամակում ընդունված հաջորդականության հետ։

Ագաթանգեղոս

1. Սիւնիք
2. Ծաղէք
3. Ուտիք

Մ. Խորենացի

1. Ուտիք
2. Գարգման
3. Ծաղէք
4. Դարգարացիք

(Փայտակարան, Կասպք)

Զորանամակ²⁵

1. Գասպեցի
2. Ուտէացի
3. Ծաղէացի

Յուցակների այս համադրումը ցույց է տալիս, որ անտարակուսելիորեն Ծաղէացւոց նախարարությունը պատկանում էր Մեծ Հայքի կազմում մտնող Աղվանից երկրի կողմնակալությունների թվին, այսինքն՝ ինչպես բացատրում է Մովսէս Խորենացին, «ի սորա (այսինքն՝ Առանի) զաւակաց ասեն սերեալ»²⁶։ Ահա այս հանգամանքն է, որ հիմք է տվել Ն. Ադոնցին հավասարության նշան դնելու Ծաղէք—Զաղէքի և Արցախի միջև²⁷։ Միևնույն ժամանակ մենք տեսանք, որ այս նախարարության կենտրոնը, ըստ «Աշխարհացոյցի», Սյունիքի գավառներից մեկը հանդիսացող Սոգքն էր համանուն գյուղաքաղաքով։ Այս փաստը տարակուսանքի մեջ է ձգում Ստեփան Կանայանին։ Նա Ծաղէացիքը նույնացնելով Սոգք գավառին, գտնում է, որ «ոչ միայն Եղիշէի երկու ցանկերում, այլև Ագաթանգեղոսի հիշած «Ծաղէից» աշխարհը ևս Zabdicena-ն է», այսինքն Միջագետքի Կադմուսի երկիրը²⁸։ Այս պնդումը նա հիմնավորում է նրանով, որ փոքրիկ Սոգքը ներկայացնում էր 50 զինվոր, իսկ Ծաղէացւոց երկիրը 3000²⁹։ Մեր մեջբերումները հերքում են այս կարծիքը և Ն. Ադոնցը ճիշտ է, երբ Ծաղէացւոց իշխանությունը նույնացնում է Արցախի հետ։ Մենք գտնում ենք, որ աջափնյա Աղվանքը, որը մինչև 387 թվականը պաշտոնապես համարվում էր Մեծ Հայքի թագավորության կազմում, բաժանված էր չորս ընդարձակ փոխարքայությունների—սատրապությունների՝ Դարգման, Ծաղէացիք, Ուտիք և Դարգարացիք կամ Կասպից երկիր։ Արանցից առաջին երկուսը IV-րդ դարում արդեն հայապած էին, Ուտիքը ցեղային միություն սփտի լինելի, իսկ Դարգարացւոց կուսակալությունը, գոնե մինչև 338 թիվը, կազմում էր Փայտակարան քաղաքի քաղաքային տերիտորիան և կառավարվում էր այդ քաղաքում նստող արքունի վերակացուի կողմից։ Ինչպես Սյունյաց նախարարությանը, Դարգմանի և

²⁴ Н. Адонц. Армения в эпоху Юстиниана, СПб, 1908, стр. 263.

²⁵ Անդ, էջ 251։

²⁶ Մովսիսի Խորենացւոյ Պատմութիւն Հայոց, II, է, Տփղիս, 1913, էջ 113։

²⁷ Н. Адонц, հիշ. աշխ., էջ 291։

²⁸ Ստեփան Կանայանց, Անհայտ դավառներ Հին Հայաստանի, Վաղարշապատ 1914, էջ 16։

²⁹ Անդ, ծան. 1։

Ծաւղեքի իշխանութիւնների հիմնական ֆունկցիան էր պաշտպանել Մեծ Հայքի Միջնաշխարհը տանող Փոքր Կովկասի լեռներում գտնվող լեռնանցքները, որտեղից խուժում էին հյուսիսային բարբարոս ցեղերը: Ինչպես երևում է դեռևս Տիգրան Մեծի (95—56) ժամանակ գործադրվել էին լայն միջոցառումներ հայկական ստրկատիրական կենտրոնացված պետության թիկունքը ամրապնդելու այդ կողմերից: Ըստ երևույթին, այդ հեռավոր ժամանակներն էին հիմնվել երկու վայրեր Տիգրանակերտ անունով. «Տիգրանակերտ աւան» (այժմ Թաոնաուտ Աղզամի մոտ) և «միւս Տիգրանակերտ» (այժմ Գաոնակեր կամ Բարսում Նամխորից հարավ)³⁰, առաջինը Գարգամանի սահմանում, երկրորդը՝ Ծաւղէք—Արցախի սահմանում: Այս ինքնին հետաքրքիր հարցը կարոտ է հատուկ ուսումնասիրության, սակայն, այնուամենայնիվ, այս փաստը հիմք է տալիս կոահելու, որ Մեծ Հայքի ստրկատիրական պետության կոնսոլիդացման ժամանակաշրջանում պետք է տեղի ունենար Ծաւղէացւոց իշխանության կազմակերպումը, որի կառավարումը ժամանակի ընթացքում պիտի դառնար որոշ նախարարական տոհմի ժառանգական իրավունքը:

Հիշյալ ժամանակաշրջանի յուրաքանչյուր նախարարութիւն համարվում էր «կուսակալութիւն», «կողմնակալութիւն», որը հար և նման էր հելլենիստական Արևելքում հայտնի սատրապութիւններին: Իշխանը կամ նախարարը նույն սատրապն էր և ձգտում էր իր պաշտոնը դարձնել իր տոհմի ժառանգական արտոնութիւնը—«պատիւ»: Նման կողմնակալութիւն—սատրապիան հիմնականում ներկայացնում էր իրենից ռազմական մարզ, որտեղ ամեն ինչ ենթարկվում էր թաղավորի ներկայացուցչին՝ սատրապին, որը համարվում էր փոխարքա: Նրան էին ենթարկվում բոլոր ռազմա-ստրատեգիական ճանապարհները և ամբողջութիւնները, որտեղ զետեղված էր նրա «կայնական զօրքը»:

Այս խնդիրը արծարծելիս ակամայից հարց է առաջ գալիս՝ ինչու է Մովսէս Սորենացին Ծաւղէացւոց իշխանության համար գործ ածում «Կաղմեանք» պայմանական տերմինը: Արդյո՞ք միայն նրա համար, որ այս հյուսիսային ծայրամասում գտնվող նախարարութիւն անունը՝ Ծաւղէք համընկնում էր հարավային ծայրամասում՝ «Կաղմեան»—Կաղմուխի երկրում գոյութիւն ունեցող մի այլ Ծաւղէք անունը կրող նախարարութիւն հետ: Արդյո՞ք այս անունների պատահական զուգադիպութիւնն է հիմք հանդիսացել կարծելու, որ երկու տոհմերն էլ սերված են «կաղմեական» տնից, թե իսկապես գոյութիւն է ունեցել ինչ որ կապ նրանց միջև: Արևելյան դիսպոսիայի պայմաններում բոլորովին բացառված չէ այն հանգամանքը, որ իրոք պետական իշխանութիւնը կարող էր մի ամբողջ ցեղ փոխադրել և բնակեցնել նոր տեղ—ավյալ դեպքում Միջագետքի ֓ Փոքր Կովկասի լեռները—ապահովելու հյուսիս-արևելյան սահմանների անվտանգութիւնը: Նման ենթադրութիւնը վարմանալի չպետք է թվա, եթե հիշենք, թե ինչպիսի մեծ ծավալ ուներ քաղաքային սզգարնակչութիւն վերագաղթեցումն ու վերաբնակեցումը Տիգրան II Մեծի և Արտավազդ II-ի օրոք: Եթե մեր ենթադրութիւնը ճիշտ է, այդ դեպքում պատմահայրը չի սխալվում, երբ հյուսիսային Ծաւղէքը ևս համարում է սերած «Կաղմեան տնից»: Այս հավանական ենթադրութիւնը սակայն, մնում է ենթադրութիւն, քանի որ մեզ պակասում են այլ միջանկյալ

³⁰ Տե՛ս՝ Սեբէոս, Պատմութիւն, I, 2, Երևան, 1941, էջ 93:

փաստեր, որոնք կարող էին ավելի զորեղ կուփան ծառայել նման եզրակացություն համար:

Ինչևիցէ, անկախ այս բոլորից, կարելի է արձանագրել իրրե փաստ, որ մեզ անհայտ ժամանակաշրջանում, թերևս Տիգրան Մեծի օրոք, Սեանի ավազանում կազմվել է փոխարքայութուն—սատրապութուն, որին միացվել է Աղվանքից նվաճված Արցախը: Այս փոխարքայութւն կենտրոնը գտնվել է Սեանա լճի հարավ-արևելյան ափին գտնվող այժմյան Բասարգեշարի շրջանի Ջող գյուղում, որը այն ժամանակ եղել է գյուղաքաղաք և կոչվել է «Ծաւղք-Սաւղք» («Ծօղք-Սօղք»): Այս անունից էլ առաջացել է «Ծաւղէացի» հորջորջումը: Այս բնակավայրի անվան ձևը էթնիկական անուն է և կարող է ենթադրել տալ, որ, հիրավի, այստեղ բնակեցվել է Ծաւղէացի ցեղը կամ տոհմը: Ինչ էլ եղած լինել, մի բան պարզ է, որ այստեղ հիմնված փոխարքայութունը իր կենտրոնի անունով կոչվել է «Ծաւղէացւոց իշխանութիւն»։ Այս փոխարքայութւնը, ըստ Գահնամակի և Ագաթանգեղոսի, պատկանում էր «հազարավորների» կարգին և ներկայանում էր արքունիքին՝ գլխավորելով երեք հազար այրուծի:

«Ծաւղէացւոց իշխանութւնը» հիշատակվում է Ագաթանգեղոսի, Մովսէս և Սորենացու մոտ և Ջորանամակում, այսինքն այն աղբյուրներում, որոնք խոսում են Մեծ Հայքի մասին նախ քան 387 թվականը: Այնուհետև այս իշխանութւնը չի հիշվում: Նրա փոխարեն Ջորանամակը հիշում է «Սողացի» 50 այրուծիով³¹ և խոսքը վերաբերում է միայն մարզպանության ժամանակաշրջանի Սեանի ավազանում պարփակված նախարարութւն:

387 թվից հետո, երբ բաժանվեց Մեծ Հայքի կենտրոնացված ստրկատիրական միապետութւնը, իսկ 428 թվին ոչնչացվեց նաև Արշակունիների դինաստիայի թագավորութւնը, վերանում են մի շարք նախարարութւններ ու իշխանութւններ, իսկ նրանց տերիտորիաները բաժանվում են հզոր և աղղեցիկ նախարարական տների միջև: Մեզ հայտնի է, որ 387 թվից հետո Արցախ, Ուտիք և Փայտակարան նահանգները միացվեցին Աղվանքին, սակայն չնայած այս հանգամանքին, մեծ մասը այդ երկրների արդեն հայացել էր և ընդմիշտ կապվել էր բուն Հայաստանի հետ: Նախկին Ծաւղէացւոց իշխանութւն տերիտորիան բաժանվել էր երկու մասի. Արցախը միացվել էր Աղվանքին. մնացել էր միայն Սեանի ավազանը Սողք կենտրոնով, իրրե առանձին իշխանութւն, սակայն վերջինս ևս, ինչպես երևում է, վերանում է:

Սասանյան արքունիքը մարզպանական Հայաստանում վարում էր հատուկ քաղաքականութւն օրըստօրե հզորացող նախարարների հանդեպ: Նա ձգտում էր քակտել միաբանութւնը նրանց միջև և հակադրել նրանց միմյանց: Այս քաղաքականութւն հետևանքն էր այն, որ Տիգրանի արքունիքին հաջողվում է իր կողմը գրավել Սյունիքի տերերին:

Սյունյաց իշխանութւնը մնում էր մարզպանական Հայաստանի կազմում և նրա ժառանգական պատիւն էր հսկել փոքր Կովկասի լեռնաշխն անցքերից դեպի Այրարատը տանող ստրատեգիական ճանապարհները: Դադաքական նոր պայմաններում, երբ երկրի անկախութւնը վերացել էր և այն ընկել էր վասալական կախման մեջ սասանյան արքունիքից, վերջինիս

³¹ Н. Адонц, Армения в эпоху Юстиниана, стр. 251—252.

վրա հենվող Սյունյաց նախարարութիւնը դառնում է Սասանյանների գեր-իշխանութիւն ամենաիրական հենարանը երկրում: Այժմ արդեն Սյունյաց իշխանը, ունենալով նույն ժառանգական իրավունքները, արքայից արքայից ստանում է արտակարգ լիազորութիւններ: Փայտակարանը դառնում է Սասանյան ռազմական ուժերի կենտրոն Անդրկովկասում: Այս քաղաքից Արցախի և Սեանի ավազանի վրայով դեպի Այրարատ տանող ռազմա-ստրատեգիական ճանապարհը, որը Արշակունիների ժամանակ հսկում էր Ծաղէացւոց իշխանը, այժմ հանձնվում էր Սյունյաց իշխանին, իրեն պարսից արքայից արքայի հավատարիմ ծառայի: Ստեղծված պայմաններում այս պարտականութիւնները կոչված էին ոչ թե պաշտպանելու Հայաստանի սիրտը հանդիսացող Այրարատը օտար թշնամուց, այլ հակառակը—Սյունյաց իշխանի այդ ժառանգական իրավունքները ի սպաս են դրվում օտար տիրապետութիւն ամրապնդման նպատակներին:

Արծարծվող հարցի լույսի տակ պարզվում է, թե ինչ էր իրենից ներկայացնում Սահակ Պարթև կաթողիկոսի և Վասակ Սյունու մարզպանութիւն ժամանակաշրջանից (443—451) մեզ հասած Ջորանամակում հիշվող «Սիւնեաց երկրորդն» նախարարութիւնը³²: Վերջինս պիտի լինի Ջորանամակում հիշատակված «Սողացի» նախարարութիւնը: Անուղղակի տեղեկութիւնները ցույց են տալիս, որ նախկին Ծաղէացւոց իշխանութիւն հիմնական մասը՝ Սեանի ավազանը Սողք կենտրոնով, հանձնվում է Վասակ Սյունուն իբրև ժառանգական կալվածք: Վերջինս Սողք գավառում, նախկին Ծաղք—Սաղք գյուղաքաղաքի մոտ հիմնում է նոր կենտրոն, որը իր անունով կոչվում է Վասակաշէն³³: Ահա այստեղ հիմնված նոր նախարարութիւնն է, որ Գահնամակում կոչվում է «Սիւնեաց երկրորդն»: Այս ժամանակվանից Սեանի ավազանը դառնում է Սյունյաց նահանգի անբաժան մասը և այդ տերիտորիայի ընդգրկումով էլ տալիս է մեզ «Աշխարհացոյցը» այդ նահանգը: Վասակ Սյունուն և նրա հաջորդներին է տրվում նաև Արցախը վարչական իշխանութիւն իրավունքներով: Ահա այս ժամանակվանից է, որ Արցախը կոչվում է նաև «Փոքր Սիւնիք» (կամ «Սիսական ի Կոտակ»): Հետագայում վերջինս ևս դառնում է Սյունյաց տոհմի ժառանգական սեփականութիւն և նույնիսկ այստեղ է փոխադրվում Սյունիքի քաղաքական կենտրոնը, ուստի Մյուս Հարանդ դավառը «Աշխարհացոյց»-ում կոչվում է նաև «Սիսական ի ոստան»³⁴, Մենք այս հարցերի վրա կանգ չենք առնի և ավելի հանգամանորեն խոսելու ենք մի այլ ուսումնասիրութիւն մեզ: Այստեղ մենք հիշեցնում ենք միայն, թե որտեղ պետք է փնտրել Սյունի Որբենացու մոտ ցայտուն կերպով դրսևորվող հակամարտության—հակաարծրության և «Սիսական»—հագրատունյան կողմնորոշման արմատները: Հարցի այսպիսի լուսաբանումը մեզ հնարավորութիւն է տալիս գտնելու Վասակ Սյունու և նրա հաջորդների քաղաքական վարքագծի պատճառները: Այս հարցերի մասին մենք խոսելու ենք այլուր:

³² Տե՛ս՝ Н. Адонц, Армения в эпоху Юстиниана, стр. 249.

³³ Ստեփանոսի Օրբէկեանի Պատմութիւն նահանգին Սիսական, հ'Ի, Թիֆլիզ, 1912, էջ 514:

³⁴ Աշխարհացոյց է գարու [Армянская география VII века (приписывавшаяся Моисею Хоренскому), издал К. П. Патканов СПб, 1887, հայերէն բնագիր, էջ 19]:

4 Տեղեկագիր 7—8

Ի վերջո մի երկու խոսքով անդրադառնանք նորից «Կադմեալ տուն» տերմինին:

Եթե, իսկապես, Մովսես Սորենացին «Կադմեալ տուն» հասկացություն տակ նկատի ունենալ ասորեստանյան արձանագրությունների Կադմուխի—Կատմուխի երկիրը, ապա հարց է ծագում, որտեղից գիտեր պատմահայրը մի անուն, որը վաղուց արդեն վերացել էր պատմության ասպարեզից: Դրված հարցին պատասխանելու համար հարկավոր է նկատի ունենալ հետևյալը՝ հին աշխարհում ասուրա-բաբելական գրականության մեջ և ավելի ուշ՝ հելլենիստական ժամանակաշրջանում ու միջնադարում, սովորական երևույթ էր պատմագրության և գեղարվեստական գրականության մեջ պայմանական աշխարհագրական տերմինների գործածությունը: Սովորաբար, դրանք իրականում վաղուց մոռացված անուններ էին, որոնք, սակայն գործ էին ածվում հեղինակի կողմից, իր շարադրությանը ավելի ճորում և հոետոբաբանական երանգ տալու համար: Այս արխայիկ անունները դառնում են «բարձր ոճին» հատուկ ճորում արտահայտություններ:

Միջնադարյան Հայաստանում գոյություն ունեցող նման անունների մի ամբողջ ռեպերտուար, սովորաբար, վերցված էին կտակարանից, կամ հին հունական առասպելաբանությունից կամ հին հայկական վիպասանքից: Օրինակ Հայաստան և հայ ժողովուրդ հասկացողությունը արտահայտում էին «Ազգ տանն Թորգոմայ» «Ասքանազեան գունդ» և այլ արխայիկ պսևդոնիմ—բիրլիական տերմիններով: Կամ հայ նախարարական տների առասպելական հիմնադիրներին Մովսես Սորենացին անվանում է պսևդոնիմ—բիրլիական տերմիններով. «Շամբատ» (հորինված է «Սմբատ» անունից) իբրև Խաղրատունիների նախահայր, կամ «Քանանիդաս»՝ իբրև Գնթունի նախարարական տոհմի նախահայրը և այլն: Տեղական-հայկական, ասորեստանյան և այլ ժողովուրդների առասպելները և պատմական տրագիդիան Մովսես Սորենացու մոտ իբրև ուշ վերարտադրություն, առաջ են բերել «Արամազենայր», «Գեղամեանք», «Եղիազարեանք», «Հայկագունք», «Յապետոսթեան», «Ճարբան» «Քաղեայք» ևն ձևերը: Ահա այդ կարգի անուններին են պատկանում մեզ հետաքրքրող «Կադմեանք» և «Սիսակեանք»: Անշուշտ, «Կադմոս» անվան հունարեն «-ոս» վերջավորությունը հունարանդպրոցի բովով անցած Մովսես Սորենացու կողմից հորինված ասորեստանյան անվան հելլենականացված ձևն է: Անշուշտ, այս անունը նրան հիշեցրել է հունական առասպելաբանության մեջ հայտնի «Կադմոսին» ճիշտ այնպես, ինչպես այժմ «Կարինէ»-ի փոխարեն ասում են «Կարինա», «Ռուզանի» փոխարեն՝ «Ռուզաննա», «Մեհրուժան»-ի փոխարեն՝ «Ժան» և այլն, և այլն: Ես կանգ չեմ առնի տվյալ պատմական ժամանակաշրջանի համար բնորոշ այն սոցիալական միջավայրի վրա, որով պայմանավորված էր նման երևույթը: Այդ ինքնըստինքյան պարզ և հասկանալի է:

С. Т. Еремян

„Цавдейское наместничество“

Р е з ю м е

В „Истории Армении“ Мовсеса Хоренаци Кадмос является этнонимом области „Дом Кадмоса“, которую Г. А. Капанцян справедливо отождествляет с „Кадмухи“ ассиро-вавилонских источников. В античных источниках эта область известна под именем Zabdicenae, в армянских — Цавдэк. Помимо „Дома Кадмоса“ существовал также „Удел Кадмосидов“ (*Կադմոսիդ*) по соседству с Сюнией. Последний отождествляется с ишханством Цавдейским (Мовсес Хоренаци II, 8) на северо-востоке Армении — между областями Сюник, Утик, Гардман и областью Гаргареев (Каспианой),

Сходство названий Месопотамской области Кадмеаканк-Цавдек с интересующим нас „Уделом Кадмосидов“ — Цавдэком указывает на наличие определенных исторических связей между ними. Быть может жители Кадмухи-Цавдэка были переселены на север, где была создана сатрапия со сходным названием. Центром нового наместничества стало местечко Цавдк или Савдк, которое породило этнонимическую форму Цавдеацик. После 387 г наместничество Цавдеацик было упразднено, в входящая в него область Арцах присоединена к Албании. Меньшая же часть перестает быть самостоятельным нахарарством и присоединяется к Сюнии. С середины V века Арцах зовется Малым Сюником (или Сисакан и —котак), а политическим центром его становится округ „Другой Абанд“ (Сисакан и —оскан).

S. T. Yeremian

„Tsavdey Vicegerency“

S u m m a r y

In the „History of Armenia“ by Movses Khorenatzi Cadmos is an ethnonym for the province „Home of Cadmos“, which G. A. Kapantziyan truly identifies with „Kadmukhi“ in the Assyro-Babylonian sources. In the antique sources this province goes under the name Zabdicenae, in armenian ones — Tzavdeck. Besides the „Home of Cadmos“ there also existed the „Appanage of Cadmosides“ (*Կադմոսիդ*) in the vicinity of Syunia. The latter is identified with the „ishkhanate of Tzavdey“ (Movses Khorenatzi II, 8) on the north-east of Armenia — between the provinces Syunik, Utick, Gardman and that of the Gargareys (Caspiana).

The similarity of denominations of the Mesopotamian province Cadmeakanck-Tzavdeck with the rousing our interest for itself „Appanage of Cadmosides“, — Tzavdeck points out the presence of definite historical connections between them. May be the inhabitants of „Kadmukhi-Tzav-

deck" had been transmigrated to the north, where there was established a satrapy with a similar denomination. The borough Tzavdk or Savdk, which gave birth to the ethnonymic form of Tzavdeatzick became the centre of the new vicegerency. After 387. the vicegerency Tsavdeatzick has been abolished and the province Artzakh was joined with Albania. As to the lesser part it ceased to exist as a self-dependent nakharardom and is joined with Syunia. From the middle of the V century Artzakh is called the Little Syunick (or Sisakan i-kotack) and the region „Another Aband" (Sisakan i-oskan) becomes the political centre of it.